

**Uunga siunnersuut: Aningaasarsianit akileraarutit pillugit Inatsisartut inatsisaata nr. 12, 2. november 2006-imeersup allangortinneqarneranik Inatsisartut inatsisaat nr. xx, xx.xxx 2017-imeersoq**

(Aningaasaqarnermut Akileraartarnermullu Naalakkersuisoq)

**Akissuteqaat**

(Aningaasaqarnermut Akileraartarnermullu Naalakkersuisoq)

**Aappassaaneerinnineq**

Aningaasaqarnermut Akileraartarnermullu Ataatsimiititaliaq inatsisissatut siunnersuutip suliarineqarnerani sukumiisumik sulineranik Naalakkersuisut sinnerlugit qutsavigiumavara.

Ataatsimiititaliap isumaqatigiittup inatsisissatut siunnersuut akuersissutigineqartussatut inassutigigaat naalakkersuisut iluarisimaarlugu maluginiarpaat.

Tulliullugulu inatsisissatut siunnersuutip uuma pingajussaaneerneqarnera sioqqullugu allanguutissatut siunnersuummik annikitsumik saqqummiussinissaq Naalakkersuisut pilersaarutigigaat erseqqissaatigissavara. Allanguutissatut siunnersuutigineqalersaartoq akileraartarnermi inatsisinut tunngassuteqartoq, illuatungeriit soqutigisatigut imminnut attuumassuteqartut akunnerani taarsigassarsinerannut tunngasuni ernianik passussinermi skatterådip periusaannut attuumassuteqarpoq. Taamaalilluni taamaallaat inatsisip oqaasertaani erseqqissaassuteqarnissaq pineqarpoq.

Tamannalu tunuliaqutaralugu inatsisissatut siunnersuutip saqqummiunneqartup pingajussaaneerneqarnissaa sioqqullugu Aningaasaqarnermut Akileraartarnermullu Ataatsimiititaliami nutaamik suliarineqartussangortinneqassaaq, taamaalilluni ataatsimiititaliaq allanguutissatut siunnersuutip imarisaanik isummernissamut periarfissaqaqqullugu.

Naalakkersuisut soorunami ataatsimiititaliap pisariaqartitsinera kissaateqarneraluunniit naapertorlugu, ataatsimiititaliamut ikiutissaaq.

Taama oqaaseqarlunga suliaq inatsisartunut suliassangortippara.